

Chanson nouvelle en Patois de Lille

Chantée par la Société

DES

BONS BUVEURS

RÉUNIE

A l'Estaminet de l'Alliance

Près de l'Église, à Lomme.

Chantée par la Société


DES

BONS BUVEURS

RÉUNIE

A l'Estaminet de l'Alliance

Près de l'Église, à Lomme.



LA FIERTÉ DES DEMOISELLES

PREMIER COUPLET.

Aujourd'hui mes amis
Observez cheull' raison,
J'ai min cœur qui failli
Quand j' pinse à l'imbition.
Ch' n'est point pour médire,
Ni même pour critiquer;
Mais l' jeunesse d'aujourd'hui
Est intièrement bradée.

REFRAIN.

Ah ! plaignez l's amourettes
Qui ont trop d'imbition ;
Leu' coiffure, leu' toilette,
Fait bien leu' perdition.

2^e COUPLET.

Ch'est vramint dégoutant,
Quand vous vèyez passer
Des jeunesses de quinze ans,
N' sav'nt point vous r'vètier.
Y s'in vont d'un ton fier
Su' l' debout d' leu' sorlets,
S' tortinnant comme des viers
Pus raide que des piquets.

3^e COUPLET.

R'vètiez-les dins l' semaine
Quand y s'in vont ouvrir :
Des minoux, des chatt'laines,
Des bats d' soie à leu' pieds,
Des bonnets su' leu' tiète
Garnis d' rubans et d' fleurs ;
N' sav'nt point chés fillettes
Qui porte leu' malheur.

4^e COUPLET.

Vous vèyez tous les jours
Chés mam'selles pleines d' fierté :
Y n' dit'nt pus bonjour
A les gins d' leu' quartier.
Si un jeune homme'in blouse
S' présintie plein d' bonté,
Vous vèyez qu'on le r'pousse
Comme un vrai va-nu-pieds.

5^e COUPLET.

Ch'est point tout d' leu' toilette,
Faut les vir dins les rues,
Ch'est comme des girouettes,
Y n' se connot'nt pus.
Chés marmottes pleines d' malices,
Savez-vous ch' qui leu' faut
Des faquins pour caprice,
Des pleumes à leu' capiau.

6^e COUPLET.

Vous d'vez d'abord fillettes
Suiv'nt les bonn's intintions ;
N' soyez point si coquettes,
Laichez-là l'imbition.
Respectez vos amis,
Capottes comme sarreaux bleus ;
Tout l' monde est au même prix
Sous l'étoile du bon Dieu.

REFRAIN.

Ah ! plaignez l's amourettes
Qui ont trop d'imbition ;
Leu' coiffure, leu' toilette,
Fait bien leu' perdition. Louis LONGRET.

1870. Lille, imp. Six-Horemans. 908.

